



Informacija o stanju vodostaja na vodnom području rijeke Save u FBiH

Sarajevo, 6.12.2021 u 13:00 sati

Padavine koje su pale u proteklom periodu uslovile su potrebu za pojačanim praćenjem vodostaja na svim vodotocima na vodnom području rijeke Save u Federaciji BiH.

"Agencija za vodno područje rijeke Save" Sarajevo redovno, nekoliko puta tokom dana, detaljno analizira sljedeće podatke:

- *Trenutne vodostaje na mreži automatskih vodomjernih stanica na vodnom području rijeke Save u FBiH koje su u vlasništvu Agencije,*
- *Prognozu vremena za naredna četiri dana dostavljenu od Federalnog hidrometeorološkog zavoda,*
- *Trenutne vodostaje na rijeci Savi uzvodno od granice sa BiH koji su dostupni na web stranici Hrvatskih voda,*
- *Rezultate prognoze padavina i vodostaja prognoznog modela za Unu-Sanu, Vrbas, Bosnu, Drinu kao i platforme prognoznih modela za kompletan sliv rijeke Save.*

Usljed obilnijih padavina i topljenja sniježnog pokrivača povećan je vodostaj na većini hidroloških stanica na vodnom području rijeke Save u FBiH. Na hidrološkoj stanici Maglaj dostignut je nivo pri kojem počinje kontinuirano obavještanje nadležnih institucija prema Federalnom operativnom planu odbrane od poplava.

Trenutno se bilježi stagnacija i blago opadanje vodostaja, što se očekuje i u naredna dva dana.

Prema meteorološkoj prognozi Federalnog hidrometeorološkog zavoda BiH sredinom sedmice (srijeda-četvrtak) očekuje se oblačno vrijeme sa kišom u nizinama, a u višim područjima će padati snijeg, obilnije padavine u centralnim i istočnim područjima Bosne. U noći četvrtak na petak očekuje se snijeg i susnežica i u nizinama.

Na većini hidroloških stanica prognozira se novi porast vodostaja na cijelom vodnom području rijeke Save u FBiH, i to na gornjem dijelu sliva Une, Sane, Vrbasa, Bosne i Drine. Obzirom na ispunjenost korita vodom i zasićenosti tla očekuje se dostizanje kota pri kojima počinje kontinuirano obavještanje kao i lokalna izlivanja vode iz korita na navedenim područjima. Bujični vodotoci na kojima može doći do povećanja vodostaja u ovom periodu su na području gornjeg toka sliva rijeke Fojnice te na njenim pritokama: Dragača, Lepenica i Kreševka.





Sugerišemo nadležnim institucijama da prate situaciju na terenu i postupaju u skladu s ovlaštenjima, a službama koje provode mjere i aktivnosti zaštite i spašavanja ljudi i materijalnih dobara preporučujemo pojačan oprez.

Informacije o aktuelnim vodostajima moguće je pratiti na zvaničnoj web stranici Agencije za vodno područje rijeke Save Sarajevo: www.voda.ba.

Sve aktivnosti na praćenju i obavještavanju o trenutnom hidrološko-hidrauličkom stanju se provode u skladu sa Federalnim operativnim planom odbrane od poplava.

AVP Sava nastavlja s redovnim praćenjem vodostaja i stanja na svim vodotocima na vodnom području rijeke Save u FBiH.

Odjeljenje za Informacioni sistem voda

Dežurni centar

